

SAMÞYKKT

um hundahald í Eyrarsveit.

1. gr.

Hundahald í Eyrarsveit sæti þeim takmörkunum sem kveðið er á um í samþykkt þessari.

2. gr.

Hreppsnefnd er heimilt að veita lögráða einstaklingum, búsettum í sveitarfélaginu, leyfi til hundahalds með eftirtöldum skilyrðum:

- a) Leyfið er bundið við nafn og heimilisfang lögráða einstaklings og óheimilt er að framselja það.
- b) Ef sótt er um leyfi til að halda hund í sambýlishúsi, skal skriflegt samþykki sameigenda í húsinu fylgja umsókninni.
- c) Árlega skal greiða í sveitarsjóð leyfisgjald fyrir þá hunda, sem undanþága er veitt fyrir. Gjaldið, sem hreppsnefnd ákveður fyrir 1 ár í senn og staðfest skal af heilbrigðisráðherra í sérstakri gjaldskrá, skal standa straum af kostnaði við eftirlit með hundum í sveitarfélaginu. Gjaldið skal greitt við skráningu fyrir 1 ár í senn og síðan fyrirfram árlega með gjalddaga 1. mars. Hafi gjaldið ekki verið greitt innan mánaðar frá gjalddaga, fellur leyfið úr gildi.
- d) Skylt er hundeiganda að hafa hund sinn ábyrgðartryggðan. Hreppsnefnd getur ákveðið að gera heildarsamning við tryggingarfélag. Skal tryggingin ná til alls tjóns, sem hundurinn kann að valda. Við greiðslu leyfisgjalds, skal liggja fyrir vottorð um ábyrgðartryggingu.
- e) Hundurinn skal bera ól með plötu um hálsinn. Á plötuna skal greypt nafn og skráningarnúmer hundsins og nafn og heimilisfang eiganda hans.
- f) Hundurinn skal árlega hreinsaður skv. reglugerð nr. 201/1957 um varnir gegn sullaveiki. Framvísa skal vottorði um hreinsun við greiðslu leyfisgjalds.
- g) Hundurinn skal aldrei ganga laus á almannaferi, heldur vera í taumi í fylgd aðila, sem hefur fullt vald yfir honum. Leyfishafa er skylt að fjarlægja saur eftir hundinn á tryggilegan hátt.
- h) Eigi er leyfilegt að fara með hunda inn á leikvelli eða aðra þá staði, sem um ræðir í IX.–XV. kafla og XVIII. kafla heilbrigðisreglugerðar nr. 149/1990 en þeir eru:
 1. Gistihús (gistiskálar, söluskálar), tjaldbúðir, matsölur og aðrir veitingastaðir.
 2. Skólar, kennslustaðir og barnaheimili.
 3. Snyrtistofur, hvers konar.
 4. Heilbrigðisstofnanir, hæli og íþróttamannvirki.
 5. Fangelsi og vistarverur handtekinna manna.
 6. Samkomuhús.
 7. Kirkjugarðar, bálstofur, líkhús og líkgeymslur.
 8. Húsakynni, þar sem seld eru eða framleidd matvæli og aðrar neysluvörur.

3. gr.

Umsókn fyrir leyfi til hundahalds skal senda hreppsnefnd Eyrarsveitar, sem gefur út leyfi. Upplýsingar um hundinn skal fara í þar til gerða bók hjá hreppsnefnd. Þar skal m. a. skrá heiti, aldur, kyn, tegund, lit og önnur einkenni hundsins. Ennfremur nafn og heimilisfang leyfishafa svo og skráningarnúmer hundsins. Leyfishafi fær merkta plötu, sbr. 3. lið 2. gr. og eintak af samþykkt um hundahald í Eyrarsveit. Lögregluvarðstofunni í Grundarfirði og heilbrigðisnefnd skulu send afrit af leyfisbréfi.

4. gr.

Brjóti leyfishafi gegn ákvæðum samþykktar þessarar eða öðrum reglum, sem um hundahald gilda, skal fjarlægja viðkomandi hund. Skal hundinum komið fyrir, sé um minniháttar brot að ræða. Eigandi hundsins yrði þá að leysa hann þaðan út gegn greiðslu alls kostnaðar vegna brotsins. Sé um að ræða alvarlegt brot eða ítrekað brot, afturkallast viðkomandi undanþága til hundahalds.

Hættulegum hundum er heimilt að lóga þegar í stað. Hreppsnefnd er heimilt, hvenær sem er að afturkalla leyfi fyrir einstaka hunda eða öll veitt leyfi, telji hún brýna nauðsyn þar á að höfðu samráði við heilbrigðisnefnd.

5. gr.

Eftirlit með framkvæmd samþykktar þessarar er í höndum heilbrigðisnefndar og lögreglu. Að öðru leyti fer um framkvæmdina skv. lögum nr. 81/1988, um hollustuhætti og heilbrigðiseftirlit.

6. gr.

Ofangreind samþykkt hreppsnefndar Eyrarsveitar staðfestist hér með skv. 22. gr. laga nr. 81/1988, um hollustuhætti og heilbrigðiseftirlit, sbr. 1. gr. laga nr. 7/1953, um hundahald og varnir gegn sullaveiki, til þess að öðlast gildi þegar við birtingu.

Heilbrigðis- og tryggingamálaráðuneytið, 12. júlí 1990.

Guðmundur Bjarnason.

Ingimar Sigurðsson.

REGLUGERÐ

um bann við notkun azó-litarefna og alifatískra klórflúorkolefnis-sambanda (freon) og skyldra efna sem drifefna í lyf.

1. gr.

Notkun azó-litarefna í lyfjum er óheimil hér á landi. Azó-litarefni hafa CI-númer 11.000-39.999 (CI = Colour Index).

2. gr.

Frá og með 1. janúar 1991 skal innflutnings- og sölubann reglugerðar nr. 64/1989 um bann við innflutningi og sölu úðabrusa, sem innihalda tiltekin drifefni (ósoneyðandi efni), einnig ná til lyfja og dýralyfja samkvæmt ákvæðum lyfjalaga nr. 108/1984 með síðari breytingum.

3. gr.

Reglugerð þessi, sem sett er með stoð í lyfjalögum nr. 108/1984 með síðari breytingum og lögum nr. 52/1988 um eiturefni og hættuleg efni, öðlast þegar gildi. Jafnframt fellur úr gildi reglugerð nr. 622/1980 um notkun litarefna í lyfjum og 1. mgr. 2. gr. reglugerðar nr. 64/1989 um bann við innflutningi og sölu úðabrusa, sem innihalda tiltekin drifefni (ósoneyðandi efni).

Ákvæði til bráðabirgða.

Prátt fyrir ákvæði 2. gr. er heilbrigðis- og tryggingamálaráðuneytinu þó heimilt, að fenginni umsögn lyfjanefndar, að leyfa innflutning og sölu lyfja og dýralyfja, sem innihalda